

Broj: 01-01.3-4897-12/17 MA
Datum: 12.02.2018.godine

Na osnovu člana 70. stav (3) Zakona o javnim nabavkama ("Službeni glasnik BiH", broj 39/14), člana 15. Pravilnika o javnim nabavkama JP „Autoceste FBiH“ d.o.o. Mostar, broj: NO-1.01-724-11/15 od 24.02.2015. godine, i preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-4897-11/17 MA od 26.01.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi slijedeću:

ODLUKU o izboru najpovoljnijeg ponuđača

I

Ugovor za nabavku roba „Nabavka mrežne opreme“ u vrijednosti od 140.335,65 KM sa uračunatim PDV-om dodjeljuje se ponuđaču „MIBO Komunikacije“ d.o.o. Sarajevo koji je dostavio prihvatljivu ponudu sa najnižom cijenom.

II

Ugovor se zaključuje nakon provedenog otvorenog postupka za koji je dana 29.11.2017. godine objavljeno Obavještenje o nabavci, broj: 266-1-1-446-3-161/17 na Portalu javnih nabavki, te dana 13.12.2017. godine Ispravka za obavještenje o nabavci, broj: 266-1-1-446-8-169/17. U provedenom postupku zaprimljene su dvije ponude. Ponuda ponuđača „MIBO Komunikacije“ d.o.o. Sarajevo ispunjava sve uslove i zahtjeve propisane tenderskom dokumentacijom, te se navedenom ponuđaču, čija ponuda je jedina prihvatljiva u ovom postupku javne nabavke, dodjeljuje ugovor.

III

Ponuda ponuđača „King“ d.o.o. Doboj odbacuje se kao neprihvatljiva iz razloga što ne ispunjava sve uslove i zahtjeve propisane tenderskom dokumentacijom, a u skladu sa članom 68. stav (4) tačka i) Zakona o javnim nabavkama (u daljem tekstu: Zakon).

IV

U skladu sa članom 70. stav (6) Zakona, JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 14. stav (4), 18. stav (1), i 19. stav (1) pokrenulo otvoreni postupak, broj: 01-01.3-4897/17 MA za nabavku roba: „Nabavka mrežne opreme“. Na Portalu javnih nabavki objavljeno je Obavještenje o nabavci, broj: 266-1-1-446-3-161/17 dana 29.11.2017.



godine, te Ispravka za obavještenje o nabavci, broj: 266-1-1-446-8-169/17 dana 13.12.2017. godine. Kriterij za dodjelu ugovora je „najniža cijena“.

Na osnovu Obavještenja o nabavci, Ispravke za obavještenje o nabavci i tenderske dokumentacije izvršeno je javno otvaranje ponuda dana 27.12.2017. godine u 10:30 sati u prostorijama JP „Autoceste Federacije Bosne i Hercegovine“ d.o.o. Mostar, Operativni ured Sarajevo, Dubrovačka 6, Sarajevo, što je konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da su ponudu blagovremeno predala 2 (dva) ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno preporuci Komisije za javne nabavke datoj u Zapisniku o pregledu i ocjeni ponuda, broj: 01-01.3-4897-11/17 MA od 26.01.2018. godine, ugovor za nabavku roba „Nabavka mrežne opreme“ u vrijednosti od 140.335,65 KM sa uračunatim PDV-om dodjeljuje se ponuđaču „MIBO Komunikacije“ d.o.o Sarajevo, koji je jedini dostavio ponudu koja je prihvatljiva, odnosno, ispunjava sve uslove i zahtjeve iz tenderske dokumentacije. Ponuda drugog ponuđača: „King“ d.o.o. Doboj odbacuje se kao neprihvatljiva, iz razloga što ne ispunjava sve zahtjeve postavljene tenderskom dokumentacijom. Detaljno obrazloženje razloga zbog kojih je ponuda ponuđača „King“ d.o.o. Doboj odbačena kao neprihvatljiva navedeno je u Zapisniku o pregledu i ocjeni ponuda, broj: 01-01.3-4897-11/17MA od 26.01.2018. godine, koji je u prilogu ove Odluke i čini njen sastavni dio. Kako je ponuda ponuđača „MIBO Komunikacije“ d.o.o. Sarajevo jedina prihvatljiva ponuda, Komisija za javne nabavke je dala preporuku o dodjeli ugovora navedenom ponuđaču, koja je konstatovana u Zapisniku o pregledu i ocjeni ponuda.

Shodno naprijed navedenom, ugovorni organ je prihvatio preporuku Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dipl.ing.saob.

direktor:

.....
Adnan Terzić, dipl.ing.

Dostaviti:

- Ponuđačima koji su dostavili ponudu,
- a/a.



Broj: 01-01.3-4897-11/17 MA

Datum: 26.01.2018. godine

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO 1.01-724-11/15 od 24.02.2017. godine, Komisija za nabavke imenovana rješenjem, broj: 01-01.3-3492-2/17 MA od 18.08.2017. godine, sačinjava:

ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka roba: „Nabavka mrežne opreme“;
- Evidencijski broj nabavke:** 01-01.3-4897/17 MA;
- Vrsta postupka javne nabavke:** Otvoreni postupak;
- Procijenjena vrijednost nabavke:** 120.000,00 KM;
- Broj obavještenja o nabavci sa Portala javnih nabavki:** Obavještenje o nabavci, broj: 266-1-1-446-3-161/17 objavljeno dana 29.11.2017. godine; Ispravka za obavještenje o nabavci, broj: 266-1-1-446-8-169/17 objavljeno dana 13.12.2017. godine.
- Broj „Službenog glasnika BiH“ u kojem je objavljen sažetak Obavještenja o nabavci i sažetak Ispravke za obavještenje o nabavci:** 85/17 i 89/17.
- Datum početka pregleda i ocjene ponuda:** Komisija je počela da pregleda ponude dana 27.12.2017. godine;
- Naziv i sjedište svih ponuđača, prema redoslijedu zaprimanja ponuda:**
 - King d.o.o. Doboj, 25.12.2017. godine u 09:04 sati, sa ukupnom ponuđenom cijenom u iznosu od 140.389,47 KM sa uključenim PDV-om;
 - MIBO komunikacije d.o.o. Sarajevo, 26.12.2017. godine u 11:28 sati, sa ukupnom ponuđenom cijenom u iznosu od 140.335,65 KM sa uključenim PDV-om;
- Podaci o pojašnjenju dokumenata u skladu sa članom 68. stav (3) Zakona, ako ih je bilo:** Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nisu vršene ispravke u ponudama;



12. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

R. B.	ANALIZA, PREGLED I OCJENA PONUDA	NAZIV PONUĐAČA	
		„Nabavka mrežne opreme“	„King“ d.o.o. Doboj
a.	Kvalifikacioni uslovi:		
1.	<p>Lična sposobnost - kvalifikacija prema članu 45. ZJN:</p> <p>USLOV: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju uz ponudu dostaviti Izjavu ovjerenu kod nadležnog organa (opštinski organ ili notar) da se na njih ne odnose slučajevi definisani tačkom 2.1.1 od a) do d) ove tenderske dokumentacije. Izjava se dostavlja u formi utvrđenoj Aneksom 5 ove tenderske dokumentacije.</p>	+	+
2.	<p>Sposobnost obavljanja profesionalne djelatnosti:</p> <p>USLOV: U pogledu sposobnosti obavljanja profesionalne djelatnosti, ponuđači moraju biti registrovani za obavljanje djelatnosti koja je predmet nabavke.</p>		



AB

	<p>DOKAZ: U svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+	+
3.	<p>Ekonomska i finansijska sposobnost</p> <p>USLOV: Što se tiče ekonomske i finansijske sposobnosti, u skladu sa članom 47. Zakona, od ponuđača se traže slijedeći uslovi ekonomske i finansijske sposobnosti: a) promet u protekloj godini (2016.) minimalno 120.000.00 KM.</p> <p>DOKAZ: Ocjena ekonomske i finansijske sposobnosti ponuđača će se izvršiti na osnovu dostavljene</p> <p>Izjave ovjerene od strane ponuđača, koja se dostavlja u formi utvrđenoj Aneksom 8 tenderske dokumentacije i dostavljene obične kopije slijedećih dokumenata: a) poslovni bilansi ili izvodi iz poslovnih bilansa za posljednju finansijsku godinu (2016.), ukoliko je objavljivanje poslovnog bilansa zakonska obaveza u zemlji u kojoj je ponuđač registrovan. Ako ne postoji zakonska obaveza objavljivanja bilansa, ponuđač će dostaviti Izjavu ovjerenu od strane nadležnog organa;</p>	+	+



4.	<p>Tehnička i profesionalna sposobnost:</p> <p>USLOV: Što se tiče tehničke i profesionalne sposobnosti, ponuđači trebaju ispuniti slijedeće minimalne uslove, a koji se mogu potvrditi dokazima iz člana 49. Zakona, i to:</p> <p>a) Uspješno iskustvo u realizaciji najmanje jednog ugovora čiji je karakter i kompleksnost sličan onom koji se odnosi na predmetnu nabavku (nabavka mrežne opreme) u posljednje tri godine. Ukupna vrijednost izvršenog ugovora ne može biti manja od 50.000,00 KM;</p> <p>b) Da posjeduje implementiran sistem upravljanja kvalitetom prema ISO 9001:2008 ili ekvivalentan standard za kvalitet;</p> <p>c) Ponuđeno rješenje mora biti kompatibilno (hardverski i softverski) sa postojećim rješenjem (Cisco) za mrežnu opremu implementiranu na autocesti i u objektima Ugovornog organa.</p> <p>DOKAZ: Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>- Spisak izvršenih ugovora u skladu sa Aneksom 9 ove tenderske dokumentacije, o isporuci istih ili sličnih roba koje se predmet nabavke (isporuka mrežne opreme) u posljednje 3 (tri) godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine. Ukupna vrijednost najmanje jednog izvršenog ugovora ne može biti manja od 50.000,00 KM.</p> <p>Uz spisak izvršenih ugovora ponuđač je dužan dostaviti potvrdu koju je izdao naručilac o uspješnoj realizaciji ugovora. Potvrda obavezno sadrži: a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora i e) navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbjedi;</p> <p>- Originale ili ovjerene kopije važećih odgovarajućih certifikata ISO 9001:2008 ili dokaz o ekvivalentnim mjerama osiguranja</p>	<p style="text-align: center;">+</p> <p style="text-align: center;">+</p> <p style="text-align: center;">+</p> <p style="text-align: center;">-</p>	<p style="text-align: center;">+</p> <p style="text-align: center;">+</p> <p style="text-align: center;">+</p>
----	---	---	--



	<p>kvaliteta.</p> <p>Napomena: ISO 9001:2008 precizira osnovne zahtjeve za sistem upravljanja kvalitetom, koje organizacija mora da ispuni kako bi pokazala svoju sposobnost da svoje usluge dosljedno izvršava, čime povećava zadovoljstvo korisnika i ispunjava važeću zakonsku regulativu.</p> <p>Ekvivalentnim mjerama osiguranja kvaliteta smatraće se standard za kvalitet koji podrazumijeva ispunjavanje istih osnovnih zahtjeva.</p> <p>- Kompatibilnost opreme će se utvrditi na jedan od sljedećih načina:</p> <p>I. Dostavljanjem potvrde o kompatibilnosti opreme sa jezgrom, izdate od strane proizvođača Cisco jezgre.</p> <p>II. Ukoliko ponuđač ne dostavi potvrdu o kompatibilnosti, kompatibilnost podrazumijeva testiranje opreme testnom procedurom u skladu sa Protokolom o testiranju hardvera/software-a datom u Specifikaciji roba i usluga u Aneksu 12 tenderske dokumentacije. Tokom evaluacije ponuda, ponuđač će biti obavješten o vremenskom terminu kada će se testirati ponuđeno rješenje na kompatibilnost sa Cisco jezgrom u produkciji. Ponuđač je dužan dostaviti u zakazanom vremenu po jedan primjerak za svaku traženu stavku kako bi se izvršila provjera kompatibilnosti ponuđene opreme.</p> <p>Napomena: Ukoliko ponuđač ponudi referentni model opreme, nije dužan dostaviti izjavu o kompatibilnosti niti će se vršiti testiranje takve opreme.</p>		
		+	+
5.	Izjava o ispunjavanju uslova iz člana 52. Zakona data u Aneksu 7 tenderske dokumentacije	+	+
b.	Ispunjenost uslova u pogledu dostavljanja svih potrebnih dokumenata prema sadržaju ponude:		
1.	Popunjen Obrazac za ponudu koji je dat u Aneksu 2 tenderske dokumentacije	+	+
2.	Popunjen Obrazac za cijenu ponude sporazum koji je dat u Aneksu 3 tenderske dokumentacije	+	+
3.	Popunjen obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obrazac ukoliko imaju povjerljivih informacija)	+	+
4.	Izjava o ispunjenosti uslova iz člana 45. stav (1) tačka od a) do d) Zakona o javnim nabavkama („Službeni glasnik BiH“, broj:	+	+



	39/14) data u u Aneksu 6 tenderske dokumentacije		
5.	Izjava o ispunjenosti uslova iz člana 47. Zakona o javnim nabavkama („Službeni glasnik BiH“, broj 39/14) data u Aneksu 8 tenderske dokumentacije	+	+
6.	Izjava o zajedničkoj ponudi i Izjava o solidarnoj odgovornosti članova grupe ponuđača	n.p.	n.p.
7.	Potpisan Nacrt ugovora koji je dat u Aneksu 5 tenderske dokumentacije	+	+
8.	Spisak izvršenih ugovora i Potvrda o uredno izvršenim ugovorima data u Aneksu 9 tenderske dokumentacije	+	+
8.	Garancija za ozbiljnost ponude data u Aneksu 10	+	+
9.	Parafirana Specifikacija roba i usluga data u Aneksu 12 tenderske dokumentacije	+	+
10.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+**	+**
11.	Dokumenti kojima se dokazuje ispunjavanje uslova za primjenu preferencijalnog tretmana domaćeg odnosno Izjava data u okviru Aneksa 2 tenderske dokumentacije	+***	+***
12.	Popis dokumentacije koja je priložena uz ponudu	+	+
Prikaz prihvatljivosti ponuda prema obliku sadržaju i potpunosti			
1.	Cjelovitost ponude	+	+
2.	Uvezana u cjelinu / knjiga, obezbjeđena jemstvenikom /	+	+
3.	Sadržaj ponude	+	+
4.	Ponuda napisana neizbrisivom tintom	+	+
5.	Pravilno numerisana ponuda	-	+
6.	Ponuda napisana na jednom od službenih jezika u BiH	-	+
7.	Ispravke u ponudi	+****	+****
8.	Računske greške	+*****	+*****
9.	Izmjene/dopune ponude i odustajanje od ponude	n.p.	n.p.
PRIHVATLJIVOST PONUDE		NE	DA



Napomena: (+) u skladu sa tenderskom dokumentacijom **zadovoljava**; (-) nije u skladu sa tenderskom dokumentacijom **ne zadovoljava**;

* Ponuđač je dostavio referentni model opreme;

** Nije iskazana namjera podugovaranja;

*** Ponuđač ne ispunjava uslove za primjenu preferencijalnog tretmana domaćeg;

**** Nije bilo ispravki u ponudi;

***** Nisu uočene računске greške u ponudi;

n.p. nije primjenjivo.

13. Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:

Ponuđač „King“ d.o.o. Doboj u svojoj ponudi nije dokazao da posjeduje implementiran sistem upravljanja kvalitetom prema ISO 9001:2008 ili ekvivalentan standard za kvalitet na način kako je to propisano tenderskom dokumentacijom.

Naime, iako je ponuđač dostavio ovjerenu kopiju ISO certifikata 9001:2008, isti nije preveden na jedan od službenih jezika koji se koristi u Bosni i Hercegovini. Tačkom 8.1.3. tenderske dokumentacije propisano je „Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Prateći dokumenti, štampana literatura, brošure, katalogi ili slično koje dostavlja ponuđač mogu biti napisani na nekom drugom jeziku pod uslovom da je dostavljen i zvaničan prevod odgovarajućih poglavlja, koji se odnose na tehničke karakteristike proizvoda i na uputstvo za montažu, upotrebu i održavanje, na jezik na kojem je napisana ponuda. **Pod zvaničnim prevodom se smatra prevod ovjeren od strane ovlaštenog sudskog tumača.**“ Dakle, da bi ponuda bila prihvatljiva, ponuđač je bio dužan dostaviti ISO 9001:2008 certifikat preveden na jedan od službenih jezika u Bosni i Hercegovini i ovjeren od strane ovlaštenog sudskog tumača. Kako dostavljeni certifikat nije preveden na naprijed opisani način, ponuda ne ispunjava uslov iz tačke 8.1.3. tenderske dokumentacije.

Nadalje, tačkom 8.1.4 tenderske dokumentacije propisano je „Sve strane ponude koje sadrže tekst moraju biti numerisane na način da je vidljiv redni broj stranice ili lista, u skladu sa članom 8. st. (6) i (7) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).“ Ponuda ponuđača „King“ d.o.o. Doboj je numerisana, ali numeracija je izvršena na način koji onemogućava praćenje kontinuiteta ponude. Naime, numeracija je izvršena na slijedeći način: 1A, 1B, 2, 3...19, 12, 13, 14, 15, 20, 21, 21A, 21B, 22,23...51A,52...66.

Navedeni način numeracije ne može se smatrati manjim odstupanjem iz člana 8. stav (7) Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) jer nije moguće pratiti kontinuitet ponude.

Shodno naprijed navedenom, Komisija daje preporuku ugovornom organu da ponudu ponuđača „King“ d.o.o. Doboj odbaci kao neprihvatljivu, u skladu s članom 68. stav (4) tačka i) Zakona o javnim nabavkama.



14. **Prikaz traženih i dostavljenih garancija za ozbiljnost ponude:** Oba ponuđača dostavila su garanciju za ozbiljnost ponude u traženom iznosu od 1.800,00 KM, te sa traženim rokom validnosti od 27.11.2017. godine do 24.04.2018. godine;
15. **Podaci o pojašnjenju ponuda:** Nije primjenjivo;
16. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Sve zaprimljene ponude uredno zapakovane;
17. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 12. ovog Zapisnika;
18. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Obje zaprimljene ponude ispunjavaju sve zahtjeve u pogledu opisa predmeta nabavke i tehničkih specifikacija. Oba ponuđača su ponudila referentni model opreme;
19. **Podaci o ispravkama računskih grešaka u ponudama ako ih je bilo:** Nije primjenjivo.
20. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Pogledati tačku 12. ovog zapisnika;
21. **Razlozi za odbijanje ponude zbog neprirodno niske cijene:** Nije primjenjivo;
22. **Analiza prihvatljivih ponuda prema kriteriju za izbor ponude:** Budući da je ponuda ponuđača „MIBO Komunikacije“ d.o.o. Sarajevo jedina prihvatljiva i ispunjava sve kvalifikacione, kao i ostale uslove i zahtjeve propisane tenderskom dokumentacijom, te su dostavljeni svi dokazi propisani tenderskom dokumentacijom, na propisan način, Komisija za javne nabavke daje preporuku da se ugovor za predmetnu nabavku dodijeli navedenom ponuđaču, sa ukupnom ponuđenom cijenom u iznosu od 140.335,65 KM sa uključenim PDV-om.
- Napomena:** U ovom postupku je predviđeno provođenje e-aukcije, ali kako je samo jedna ponuda ocijenjena prihvatljivom, u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), e-aukcija se ne može zakazati, nego se postupak okončava u skladu sa članom 69. Zakona.
23. **Rangiranje prihvatljivih ponuda prema kriteriju za izbor ponude:** Kriterij za dodjelu ugovora je „najniža cijena“:

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. „MIBO Komunikacije“ d.o.o. Sarajevo	119.945,00 KM	-	20.390,65	140.335,65 KM

24. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** „MIBO Komunikacije“ d.o.o. Sarajevo, iz razloga što je jedini dostavio prihvatljivu ponudu koja ispunjava sve uslove i zahtjeve propisane tenderskom dokumentacijom;
25. **Podaci o dijelu ugovora koji se daje u podugovor i podatke o podizvođaču:** Nije primjenjivo;
26. **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**
- Izabrani ponuđač „MIBO Komunikacije“ d.o.o. Sarajevo je dužan, u skladu sa tačkom 7.1.4. tenderske dokumentacije, u roku **od 5 (pet) dana od dana prijema Odluke o izboru najpovoljnijeg ponuđača** dostaviti dokumente kojim dokazuje ispunjavanje



uslova lične sposobnosti iz člana 45. Zakona, u originalu ili ovjerenoj kopiji. Dokumenti ne mogu biti stariji od tri mjeseca računajući od dana dostavljanja ponude.

Napomena: U slučaju da su dokumenti izdati nakon datuma predaje ponude, u njima mora biti jasno navedeno da je ponuđač traženi uslov ispunjavao na dan predaje ponuda. U slučaju da se takvi dokumenti ne mogu obezbijediti iz objektivnih razloga na koje ne utiče ponuđač, ponuđač je obavezan dostaviti dokaze o učinjenim pokušajima da se takve potvrde obezbijede kao i dokumente koje im je nadležni organ izdao na osnovu zahtjeva.

Napomena: Ako izabrani ponuđač u navedenom roku ne dostavi sve tražene originale ili ovjerene kopije dokumenata i/ili ne dokaže da ispunjava uslove koje je odredio ugovorni organ, sa navedenim ponuđačem se neće zaključiti ugovor.

27. Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem: Komisija daje prijedlog direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku o izboru kojom se ugovor za nabavku: „**Nabavka mrežne opreme**“ u ukupnoj vrijednosti od 140.335,65 KM sa uračunatim PDV-om, dodjeljuje ponuđaču „MIBO Komunikacije“ d.o.o. Sarajevo, koji je jedini dostavio prihvatljivu ponudu koja ispunjava sve uslove i zahtjeve propisane tenderskom dokumentacijom, te da se ponuda ponuđača „King“ d.o.o. Doboj odbaci kao neprihvatljiva, u skladu sa članom 68. stav (4) tačka i) Zakona o javnim nabavkama;

28. Datum završetka postupka pregleda i ocjene ponuda: Komisija je završila pregled i ocjenu ponuda dana 26.01.2018. godine;

27 Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Melika Alajbegović, predsjednik komisije *Alajbegović*

Amra Kahrimanović, član komisije *Kahrimanović*

Bojan Čutura, član komisije *Čutura*

Za sekretara Komisije imenovana je Adila Salčinović.

28 Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Nema priloga.

Saglasan:

 Adnan Terzić, dipl.ing.




AT